

## TERMA DAN SYARAT YANG MENGAWAL KEMPEN “*RED CARPET INVITATION & REFERRAL*”

Kempen “*Red Carpet Invitation & Referral*” (“Kempen”) ini dilancarkan bersama-sama oleh Public Bank Berhad (196501000672 (6463-H)) (“PBB”) dan Public Islamic Bank Berhad (197301001433 (14328-V)) (“PIBB”) (secara kolektif dikenali sebagai “Bank”). Terma dan syarat yang berikut akan mengawal Kempen ini (“Terma dan Syarat”).

### 1. Tempoh Kempen

- 1.1 Kempen ini akan berlangsung dari **1 Mei 2022 hingga 31 Ogos 2022**, [termasuk kedua-dua tarikh tersebut, atau tarikh lain seperti yang ditentukan oleh Bank (“Tempoh Kempen”)].
- 1.2 Kempen ini boleh didapati di semua cawangan PBB/PIBB termasuk Pusat Perbankan *Red Carpet* (“RCB”) di Malaysia.

### 2. Kelayakan

2.1 Kempen ini merangkumi 2 subkempen:

a) *Red Carpet Invitation*

- Subkempen ini terbuka kepada pelanggan baharu Bank yang tidak mempunyai apa-apa rekod / hubungan dengan Bank sebelum Tempoh Kempen atau pelanggan individu sedia ada yang tidak mempunyai apa-apa akaun deposit dengan Bank sebelum Tempoh Kempen (“Peserta yang Layak”).

b) *Referral Reward*

- Subkempen ini terbuka kepada semua pelanggan RCB (“Perujuk yang Layak”).

2.2 Mereka yang berikut **TIDAK** layak untuk mengambil bahagian dalam Kempen ini:

- a) kakitangan tetap dan/atau kontrak PBB, PIBB dan Public Investment Bank Berhad (“PIVB”);
- b) pelanggan bukan individu iaitu keempunyaan tunggal, perkongsian, entiti korporat, persatuan, kelab, sekolah dan pertubuhan;
- c) orang yang tidak waras;
- d) orang yang telah diisytiharkan bankrap atau mempunyai prosiding guaman dalam apa jua bentuk terhadap mereka; dan
- e) orang yang akaunnya dengan PBB dan/atau PIBB culas atau tidak disenggara dengan memuaskan seperti yang ditetapkan oleh PBB dan/atau PIBB.

- 2.3 Kempen ini **TIDAK** sah dengan promosi produk atau kempen lain yang ditawarkan serentak oleh Bank.

### 3. Terma Khusus untuk *Red Carpet Invitation*

- 3.1 Produk yang Layak di bawah Subkempen ini adalah seperti yang berikut:

<b>Bil.</b>	<b>Produk yang Layak</b>
a)	<u>Akaun Deposit Tetap / Deposit Bertempoh-i yang Layak (“FD /DB-i”):</u> <ul style="list-style-type: none"><li>• Deposit Tetap PLUS (FD PLUS)*</li><li>• Deposit Bertempoh-i (DB-i)*</li></ul>
b)	<u>Akaun Semasa atau Simpanan yang Layak (“CASA yang Layak”):</u> <ul style="list-style-type: none"><li>• Akaun Simpanan PLUS Account (PLUS SA)*</li><li>• Akaun Simpanan 50 PLUS (50 PLUS SA)*</li><li>• Akaun Simpanan PB MySalary (MySalary)*</li><li>• Akaun Premier ACE (Premier ACE)*</li></ul>

\* Dilindungi oleh Perbadanan Insurans Deposit Malaysia setakat RM250,000 bagi setiap pendeposit.

- 3.2 Semasa Tempoh Kempen, Peserta yang Layak yang membuka satu CASA yang Layak dengan deposit permulaan sebanyak RM10,000 (“Deposit Permulaan Minimum”) akan layak untuk menikmati kadar faedah / keuntungan promosi seperti yang dinyatakan di Fasal 3.3 (Jadual A) di bawah:

- 3.3 Kadar Faedah / Keuntungan Promosi:

#### **Jadual A**

<b>Tempoh</b>	<b>Kadar Faedah / Keuntungan Promosi (% setahun)</b>	
	<b>RCB Gold</b>	<b>RCB Elite</b>
12 Bulan	2.45	2.50

- a) Ahli RCB Gold – Peletakan minimum satu kali sebanyak RM300,000 dalam FD PLUS / DB-i; atau
- b) Ahli RCB Elite – Peletakan minimum satu kali sebanyak RM1,000,000 dalam FD PLUS / DB-i.
- 3.4 Selepas peletakan FD PLUS /DB-i, Peserta yang Layak dikehendaki mendaftar untuk keahlian RCB.

- 3.5 Peletakan FD PLUS / DB-i dan pembukaan CASA yang Layak dengan Deposit Permulaan Minimum mestilah dibuat di cawangan / Pusat RCB yang sama.
- 3.6 Peserta yang Layak mestilah pemegang akaun bagi kedua-dua FD PLUS / DB-i dan CASA yang Layak.
- 3.7 Semua wang atau dana yang diletakkan di bawah Kempen ini mestilah dana baharu. “Dana baharu” merujuk apa-apa wang atau dana yang bukannya daripada dana sedia ada dalam akaun deposit Peserta yang Layak sama ada dipegang secara bersendirian atau bersama-sama dengan orang lain dan disenggara dengan Bank. Peserta yang Layak mesti membuat peletakan deposit dalam tempoh tujuh (7) hari kalendar dari tarikh wang atau dana itu dipindahkan atau dikreditkan dalam akaun Peserta yang Layak, jika tidak wang atau dana itu tidak lagi dianggap “dana baharu”.
- 3.8 FD PLUS / DB-i hanya untuk 12 bulan sahaja. Kadar faedah / keuntungan promosi hanya diterima pakai untuk satu (1) pusingan sahaja. FD PLUS / DB-i itu akan diperbaharui secara automatik bagi tempoh 12 bulan pada kadar faedah / keuntungan kaunter semasa Bank dan faedah FD PLUS / keuntungan DB-i (mana-mana yang berkenaan) akan ditambah kepada amaun pokok atau dikreditkan dalam CASA yang ditentukan oleh Peserta yang Layak apabila matang.
- 3.9 Apabila matang, faedah FD PLUS / keuntungan DB-i (mana-mana yang berkenaan) akan ditambah kepada amaun pokok atau dikreditkan dalam CASA yang ditentukan milik Peserta yang Layak menurut peraturan operasi standard Bank bagi pengkreditan faedah FD PLUS / keuntungan DB-i (mana-mana yang berkenaan) dalam CASA.
- 3.10 Faedah atau keuntungan (mana-mana yang berkenaan) dikira berdasarkan bilangan hari sebenar.
- 3.11 **Apa-apa peletakan FD PLUS / DB-i yang dibuat di bawah Kempen ini dan dikeluarkan sebelum kematangannya tidak layak untuk apa-apa faedah / keuntungan (mana-mana yang berkenaan).**

**Keadaan di atas akan terus diterima pakai apabila peletakan FD PLUS / DB-i diperbaharui.**

- 3.12 Pengeluaran sebahagian peletakan dalam FD PLUS / DB-i adalah **tidak** dibenarkan.
- 3.13 Semua arahan bagi pengeluaran peletakan FD PLUS / DB-i mesti dibuat dengan memberi arahan bertulis yang jelas dan tepat dan ditandatangani dengan sewajarnya oleh penandatangan dibenarkan pemegang akaun tersebut berkaitan dengan pengeluaran dan pelupusan deposit berkenaan. Bank berhak untuk menolak / mengelak daripada melaksanakan arahan tersebut sekiranya tandatangan pada dokumen seumpama itu, pada pandangan Bank, berbeza daripada tandatangan contoh yang diberi, dalam sistem bank. Semua pindaan dalam arahan tersebut hendaklah disahkan dengan tandatangan dibenarkan seperti mana tandatangan contoh dalam sistem Bank.
- 3.14 Apa-apa peletakan deposit yang dibuat di bawah Kempen ini tidak akan dibenarkan untuk dijadikan sandaran bagi apa-apa overdraf, kemudahan tunai-i atau apa-apa kemudahan atau pembiayaan lain.

#### 4. Terma Khusus untuk *Referral Reward*

- 4.1 Perujuk yang Layak yang berjaya merujuk seorang pelanggan baharu kepada Bank (“Penyokong yang Layak”) untuk mendaftar bagi keahlian RCB dengan Bank layak untuk mendapat Ganjaran Perujukan yang berikut:

Status Keahlian RCB bagi Penyokong yang Layak	Ganjaran Perujukan
RCB Gold	RM200
RCB Elite	RM600

Penyokong yang Layak perlu melengkapkan borang permohonan perujukan (“Borang Permohonan Perujukan”) dan mengemukakan kepada cawangan / Pusat RCB semasa Tempoh Kempen.

- 4.2 Penyokong yang Layak mesti memenuhi kriteria kelayakan keahlian RCB seperti yang berikut:

Deposit Agregat Minimum	Status Keahlian
RM300,000 dan tidak melebihi RM1,000,000	RCB Gold
RM1,000,000 dan ke atas	RCB Elite

4.3 Deposit Agregat Minimum ialah kombinasi jumlah baki kredit untuk mana-mana akaun deposit yang berikut:

- a) Deposit Tetap Mata wang Asing (setara dengan Ringgit Malaysia);
- b) Akaun Semasa / Akaun Semasa-i Mata wang Asing (setara dengan Ringgit Malaysia);
- c) Akaun Semasa / Akaun Semasa-i
- d) Akaun Simpanan / Akaun Simpanan-i; atau
- e) Deposit Tetap / e-Deposit Tetap / Deposit Bertempoh-i / e-Deposit Bertempoh-i.

Akaun-akaun deposit di atas dilindungi oleh PIDM setakat RM250,000 bagi setiap pendeposit.

4.4 Sekiranya Penyokong yang Layak membuka satu akaun deposit bersama, Perujuk yang Layak hanya akan mendapat satu (1) Ganjaran Perujukan untuk perujukan yang berjaya di bawah Kempen ini.

Ilustrasi:

Encik C (Perujuk yang Layak) berjaya merujuk Encik A dan Puan A (dua orang Penyokong yang Layak) untuk mendaftar bagi keahlian RCB Gold yang mana Encik A dan Puan A membuka satu akaun FD secara bersama bagi jumlah sebanyak RM300,000. Oleh itu, Encik C layak untuk mendapat satu (1) Ganjaran Perujukan sebanyak RM200 sahaja.

4.5 Sekiranya lebih daripada satu (1) Perujuk yang Layak merujuk Penyokong yang Layak yang sama, Ganjaran Perujukan akan dibayar kepada Perujuk yang Layak yang dinamakan dalam Borang Permohonan Perujukan yang mula-mula diserahkan oleh Penyokong yang Layak kepada cawangan / Pusat RCB yang akan ditentukan berdasarkan tarikh dan masa dalam rekod yang diselenggara oleh PBB atau PIBB, mengikut keadaannya, dan dengan syarat permohonan keahlian RCB Penyokong yang Layak itu berjaya.

4.6 Walaupun pelanggan baharu kepada Bank memenuhi kriteria untuk menjadi ahli RCB, PBB dan PIBB boleh menolak permohonan keahlian RCB itu tanpa memberi apa-apa sebab dan membuat rujukan selanjutnya kepada pelanggan baharu kepada Bank dan Perujuk yang Layak.

4.7 Penyokong yang Layak layak untuk menyertai mana-mana kempen promosi eksklusif RCB yang lain hanya **SELEPAS** mendapat keahlian RCBnya di bawah Kempen ini.

- 4.8 Ganjaran Perujukan akan dikreditkan dalam tempoh dua belas (12) minggu selepas akhir Tempoh Kempen dalam Akaun Semasa/Akaun Semasa-i atau Akaun Simpanan/Akaun Simpanan-i (CASA / CASA-i) yang paling akhir dibuka oleh Perujuk yang Layak dengan PBB dan / atau PIBB.
- 4.9 Ganjaran Perujukan ini tidak boleh dipindah milik kepada mana-mana pihak ketiga, tidak boleh dirundingi dan tidak boleh ditukarkan dengan tunai, kredit atau barangan, sebahagian atau sepenuhnya.
- 4.10 Sekiranya CASA / CASA-i ditutup, digantung, dibatalkan atau ditamatkan sebelum pengkreditan Ganjaran Perujukan, Perujuk yang Layak tidak layak untuk mendapat Ganjaran Perujukan itu.

## **5. Terma dan Syarat Am**

- 5.1 Dengan mengambil bahagian dalam Kempen ini, Peserta yang Layak dan/atau Perujuk yang Layak dan/atau Penyokong yang Layak bersetuju untuk mematuhi Terma dan Syarat ini, terma dan syarat yang mengawal Produk yang Layak, terma dan syarat yang mengawal Keahlian RCB dan terma dan syarat yang mengawal CASA/CASA-i (termasuk apa-apa pindaan, perubahan dan/atau semakan semula terma dan syarat berkenaan). Sekiranya terdapat percanggahan antara Terma dan Syarat ini dengan terma dan syarat yang mengawal Produk yang Layak, terma dan syarat yang mengawal Keahlian RCB dengan terma dan syarat yang mengawal CASA/CASA-i, Terma dan Syarat ini akan diterima pakai bagi tujuan Kempen ini.
- 5.2 Peserta yang Layak dan/atau Perujuk yang Layak dan/atau Penyokong yang Layak mengakui dan bersetuju bahawa rekod urus niaga yang disenggara oleh PBB dan PIBB dan keputusan PBB dan PIBB berkaitan dengan Kempen ini adalah muktamad, konklusif dan mengikat ke atas mereka. PBB dan PIBB tidak akan melayani apa-apa rayuan atau surat-menyurat daripada mana-mana Peserta yang Layak dan/atau Perujuk yang Layak dan/atau Penyokong yang Layak dan/atau pihak ketiga.
- 5.3 Peserta yang Layak dan/atau Perujuk yang Layak dan/atau Penyokong yang Layak bersetuju dan memberi keizinan mereka kepada PBB dan PIBB untuk memproses, menggunakan dan menyimpan semua maklumatnya berkenaan dengan Produk yang Layak, Keahlian RCB, CASA/CASA-i bagi tujuan Kempen ini.
- 5.4 PBB dan PIBB tidak akan dipertanggungjawabkan mahupun bertanggungjawab bagi apa-apa bentuk dan apa sekali pun yang timbul atau dialami oleh Peserta yang Layak dan/atau Perujuk yang Layak dan/atau Penyokong yang Layak dan/atau pihak ketiga yang disebabkan secara langsung atau tidak langsung daripada Kempen ini kecuali disebabkan oleh kecuaiian atau salah laku yang disengajakan oleh PBB atau PIBB secara khusus berkaitan dengan Kempen ini.

- 5.5 PBB dan PIBB tidak akan dipertanggungjawabkan bagi apa-apa salah tafsiran atau salah gambaran fakta oleh pihak ketiga yang tidak dibenarkan berkaitan dengan Kempen ini yang disiarkan dalam media massa, bahan pemasaran atau pengiklanan.
- 5.6 Sejauh mana dibenarkan oleh undang-undang, PBB dan PIBB secara nyata mengecualikan dan menolak apa-apa representasi, waranti atau pengesahan, secara nyata atau tersirat, bertulis atau lisan, tanpa pengedaran kepada apa-apa yang diterbitkan dalam media massa, bahan pemasaran atau pengiklanan, termasuk tetapi tidak terhad pada apa-apa waranti, kualiti, kebolehdagangan atau kesesuaian untuk sesuatu tujuan berkaitan dengan Kempen ini.
- 5.7 Sekiranya terdapat ketidakseragaman antara terma dan syarat ini dengan apa-apa bahan pengiklanan, kempen, promosi, publisiti dan bahan lain yang berkaitan dengan Kempen ini, Terma dan Syarat ini akan diterima pakai.
- 5.8 PBB dan PIBB berhak:
- a) untuk menambah, memotong atau mengubah terma dan syarat ini, dari semasa ke semasa, sepenuhnya atau sebahagiannya, dengan memberi notis selama dua puluh satu (21) hari kalendar terlebih dahulu kepada Perujuk yang Layak dan/atau Penyokong yang Layak melalui penulisan di laman web PBB/PIBB, meletakkan notis di cawangan PBB/PIBB, atau apa-apa cara lain seperti yang akan ditentukan oleh PBB/PIBB dari semasa ke semasa dan terma dan syarat yang dipinda itu akan diterima pakai berbanding dengan apa-apa peruntukan atau representasi yang terkandung dalam mana-mana bahan promosi yang mengiklankan Kempen ini.
  - b) untuk membatalkan, menarik balik, menggantung atau menamatkan Kempen ini sebelum Kempen ini tamat, sepenuhnya atau sebahagiannya, dengan memberi notis selama dua puluh satu (21) hari kalendar terlebih dahulu kepada Peserta yang Layak dan/atau Perujuk yang Layak dan/atau Penyokong yang Layak melalui penulisan di laman web PBB/PIBB, meletakkan notis di cawangan PBB/PIBB, atau apa-apa cara lain seperti yang akan ditentukan oleh PBB/PIBB dari semasa ke semasa. Bagi mengelakkan keraguan, apa-apa pembatalan, penarikan balik, penggantungan atau penamatan tidak akan melayakkan Peserta yang Layak dan/atau Perujuk yang Layak dan/atau Penyokong yang Layak untuk apa-apa tuntutan atau ganti rugi terhadap PBB/PIBB bagi mana-mana atau semua kerugian atau ganti rugi yang ditanggung atau dialami oleh Peserta yang Layak dan/atau Perujuk yang Layak dan/atau Penyokong yang Layak.

- c) untuk menyemak semula kadar faedah/keuntungan promosi di bawah Kempen ini dengan memberikan notis terlebih dahulu kepada Peserta yang Layak melalui penulisan di laman web PBB/PIBB, mempamerkan notis di cawangan PBB/PIBB atau apa-apa kaedah lain yang akan ditentukan oleh PBB/PIBB dari semasa ke semasa.
- 5.9 Terma dan Syarat ini akan dikawal dan ditafsir menurut undang-undang Malaysia dan Peserta yang Layak dan/atau Perujuk yang Layak dan/atau Penyokong yang Layak bersetuju untuk mematuhi bidang kuasa bukan eksklusif mahkamah di Malaysia.
- 5.10 Peserta yang Layak dan/atau Perujuk yang Layak dan/atau Penyokong yang Layak boleh membaca Notis Kerahsiaan PBB atau PIBB yang menyatakan bagaimana PBB atau PIBB menggunakan maklumat mereka melalui [www.pbebank.com](http://www.pbebank.com) atau [www.publicislamicbank.com.my](http://www.publicislamicbank.com.my) atau mana-mana cawangan PBB atau PIBB.

\*\*\*\*\*

Halaman Selebihnya Pada Muka Surat Ini Sengaja Dibiarkan Kosong

\*\*\*\*\*